

Christian Ohm Fridericus Thor-Haken a

## **Miscellae Iuridico-Politicae Positiones Ut Illustres Ita Et Difficiles,**

Rostochi[i]: Pedanus, 1620

<http://purl.uni-rostock.de/rosdok/ppn730873714>

Druck Freier  Zugang



Vert.  
Ohm - Thorkaken.

1620.

10







24 36

Miscellæ Juridico - Politicæ 9

POSITIONES  
UT ILLUSTRÉS  
ITA ET DIFFICILES,

QUAS

FAVENTE, AC FOVENTE, UNO ET TRIUNO DEO,

*Consensu & auctoritate Magnifici, am-  
plissimi & spectatissimi Senatus Juridici, in  
celeberrimâ Megapolensium  
Academia,*

SUB TUTAMINE

CLARISSIMI ET CONSULTISSIMI VIRI

DN. CHRISTIANI Dhm

J. U. Doctoris, fautoris sui perpetuo ob-  
servantiæ cultu suspiciendi,

*Publica disquisitioni trutinandæ exhibet*

FRIDERICUS à Thor-halen/  
Sengallia - Livo.

*Disputabitur 5. id. Octob. hora 6. matut. in  
Acreasi Majori.*

ROSTOCHI, Typis Joachimi Pedani, An. 1620.



Mittele Juridico-Politic  
POSITIONES  
ET  
RES  
JURIS

FRIDERICUS  
FRIDERICUS  
FRIDERICUS



FRIDERICUS  
FRIDERICUS  
FRIDERICUS





## Positio I.

**I**mperatoris nostri sacratiss. Iustiani leges, non opinione saltem & auctoritate hominum, sed certâ constare ratione, nemo, nisi violentus legum interpret, ambiget.

Quia lex est Commune præceptum, Virorum prudentum consultum &c. l. 1. ff. d. legib. Inventum ac munus Dei. l. 2. l. 40. Divinarum ac humanarum rerum Regina, ut inquit Chrysippus: d. l. 2. ff. d. ll. Est princeps cui obedire debemus: est Dux quem sequi congruit: est regula quam faciendû quibuscunq; applicare decet. Arist. 3. Polit. & Soloni Anchora dicitur reipub. firmissima, nec non recta imperandi & prohibendi ratio. Cic. lib. 1. d. ll. Rationabilis igitur certaq; & probabili de causa, neq; non magna deliberatione lata ut sit necesse est. l. 35. in pr. C. d. inoff. test. c. ecclesia. 57. in fin. ibi. neq; enim. Exer. d. electione & electi pot. c. consuetudo 5. Distinct. 1. c. erit 2. Dist. 4. VVesemb. in parat. ff. d. ll. num. 5. lit. d. quia lex non est quæ ratione caret. l. 39. l. 14. ff. d. ll. hinc ratio quæ legi est anima potior dicitur, quam ejus verba. l. scirp. 17. l. 29. ff. eod. l. cum ratio. 7. ff. d. bon. damnat. Everhard. à Middelburg. in loc. à ratione leg. Stephan. d. Phederic. tract. d. interpr. ll. p. 16. & 37.

Quamvis autem non omniû ratio reddi possit. l. non omnium. 20. ff. d. ll. quod iridem & Plato vetuit. Attamen non inferendum, quod omnium ratio non sit, sed quod legib. ratio semper subsit, easq; racinè Comitetur, quæ ob methodicam Juris Compilationem ac redundantie amputationem undiq; non addi poterat, iccirco Cirra periculum ignorari nec ob id subtili mentis indagine admodum Curiose inquiri & expiscari decet. l. & ideo. 21. ff. eod. Distinguit quoq; Ant. Fab. inter Jus Constitutum & receptum, sic ut huic ratio semper insit, illi v. desit. Helstr. Hun. d. aurborn. Iur. Civ. lib. post. c. 1. q. 1. VVesemb. in Par. ff. d. ll. num. 5. Cujac. 8. Obser. 12.



Principem legibus esse solutum distinguendo asserimus.

1. princeps 31. ff. d. legib. Reg. 1. c. 8. v. 11. & seqq. Psal. 51. v. 6. quam intricatior questio vix ulla in jure nostro dari possit, atq; hæc ipsa, inquit Helfr. Hann. d. autor. jur. civ. c. 1. q. 6. Ob varias Dd. opiniones, Nos tamen in hanc arenam descendentes; Primo distinctè per vocem Principis hic Mundi Imperatorem; Monarcham seu Dominum intelligimus, qui superiorem non recognoscit l. 9. ff. ad l. Rhod. d. jact. Cui soli leges figendi & resigendi competit. l. 1. & 12. in pr. & §. 1. C. d. ll. Qui lex dicitur animata, Cui omnes leges Deus subiecit. N. 105. c. 2. in f. Cujus placitum legis habet vigorem. §. sed & quod. Inst. d. l. nar. Gent. & C. l. 1. ff. de const. princ. Non Ducib. aut Comitib. & c. attestante Gothofr. ad d. l. 12. C. d. ll.

2. Leges quoq; bifario hic Consideramus Cum Anth. Nes. IC. acerr. ad d. l. 31. ff. d. ll. Vel ut sunt objectum & Regula justitiæ. Vel ut sunt instrumenta ad gubernandam temp. Priori Casu Princeps in Lege Divinâ superiorem agnoscit Deum. In Lege naturæ, ipsam naturam æquo & bono Correspondentem, arg. §. 11. Inst. d. I. N. G. & C. In Lege verò Civili re-ctam rationem. Posteriori verò modo, Omnes leges divinæ; naturæ & Civiles Imperatori subiacent, secund. d. N. 105. c. 2. in f. Evidentius ut igitur innotescat in legib; divinis discernimus inter Obligationes quibus nullo modo est exemptus ob. text. expressos c. 1. & 2. Dist. 10. Ezech. 46. vers. 18. §. pen. Inst. d. jur. nat. gent. & C. §. fin. Inst. d. legit. agn. tut. Et Coercitiones Politicas, in his principem legib; æquæ divinis ac. naturalibus solutum esse non ambigimus. l. 3. §. fin. l. 4. ff. d. recept. arb. l. 13. §. 4. ff. ad SC. trebell. l. 58. ff. d. judic. & ubi quis. Quare Iustinianus exclamat. N. 23. c. 2. Quis tantæ est autoritatis, ut nolentem principem possit Coarctare, sicut & David præter Deum nullum agnoscit Iudicem Psal. 51. Inter Leges vero regni fundamentales & merè Civiles seu politicas distinguimus: Illis, nisi suam ipsius destructionem (Exemplo Venceslai Imperatoris degradari, teste Myns. Decad. 2. Resp. 19. n. 6. & Volaterr. lib. 23.) desideret, omniumq; hominum. Commercio exui mavelit, solutum esse insciabitur. arg. 1. Reg. 1. v. 30. Iosu. 9. v. 15. l. 60. §. fin. ff. d. Condit. & demon. l. 2. §. 1. ff. d. alim. legat. l. 6. ff. d. jur. fisc. His v. ratione potestatis omnino liber proclamandus. d. l. 31. ff. d. ll. Majestatis tamen proprium est eas servare leges, quibus ipse solutus videtur. l. 23. ff. d. legat. 3.



gar. 3. ut aurea Verb. Imp. Theodos. Valent. Trajan. & Justin. denotant in l. digna vox: 4. C. d. ll. l. 3. C. d. testam. §. fin. Inst. quib. mod. test. infirm. Es- sic bene erit si princeps sit in lege, subditi vero sub lege. ut refert Hunn. d. autor. jur. Civ. c. 1. q. 6. Nisi leges suas araneorum telas esse velint, juxta dict. A- nacharsis. cujus meminit Valer. Max. lib. 7. tit. d. sapienter dict. & fact. num. 29.

### III.

Princeps jns subditis quæsitum ex potestatis plenitu- dine adimere nequit.

Prohibetur j. Juredivino: quo à Deo est constitutus ut faciat ju- stitiam. sapient. 6. Psalm 82. Ezech. 46. v. 18. 3. Reg. 21. vers. 19. 2. Reg. 12. vers. 9. & 10.

2. Jure naturali: quo nemini iniqua Condicio inferenda, nec princeps subditorum damno locupletari debet. l. 206. d. R. I. & c. locupletari 48. d. R. I. in 6. l. 1. & 74. ff. eod. l. 14. ff. d. Condict. indeb.

3. Jure Can. c. omnes. 2. & c. 3. 4. & seqq. Caus. 2. q. 2.

4. Et tandem Jure Civili. l. rescripta. 7. l. 2. & 3. ff. d. precib. impe- rat. off. l. 4. ff. d. natal. restit. Cum princeps à justitia poli & fori omnes suos actus vult regulari: ut Bald. in l. 1. ff. d. constit. princ. n. 1. & Gail. 2. Obs. 56. n. 9. nihil, nisi æquum & bonum in illo præsumatur l. filius 15. ff. d. condicio. in- fit: ne inde injuriarum occasio nascatur, unde jura nascuntur. l. meminerint. 6. in pr. C. Unde vi. c. rescripta. 15. caus. 25. q. 2. alias si privato jus suum adimat, iustus esse nequit. §. fin. Inst. d. hñ qui sui vel alien. jur. §. 3. Inst. d. l. & l. 1. 10. §. 2. ff. eod. Nisi publica utilitate, nec non urgente necessitate, aut evidenti suadente ratione, cujus favore haud raro à regalis juris Communis receditur l. 51. §. 2. verb. multa. ff. ad l. aquil. c. abbate. 3. §. fin. ibi. præsertim. De sent. feud. alien. 2. Feud. 52. l. 10. C. d. ff. eccles. l. fin. C. si contra jus vel utilit. l. ult. C. d. locat. præd. Quod si fecerit, justum privati pretium refundere re- netur l. venditor. 13. §. 1. ff. Com. præd. c. 1. Caus. 2. q. 2. Dav. Ordo d. jur. pub. c. 8. p. 195. Zas. d. feud. success. part. 8. n. 48.

### IV.

Rempub. ab illiteratis & juris imperitis judicibus saltem gubernari, ut frequens & facillimum, ita periculo- sum & difficillimum existimat Bronchorst. Cent. 1. aff. 64. Huic ut

A 3,

Calcu-



Calculum nostrum edicimus, usus Regionum & Civitatum Creberrimus ter-  
 ret, periclitandum tamen in assertione, ob legum rationes non spernendas: in  
 prom. Inst. d. off. Iudicis. l. 11. C. d. Iudic. item in pr. d. Concept. Inst. ibi:  
 per legitimos rramites. l. 13. in verb. non exemplis. & in fin. C. d. sent. & inter-  
 hoc. Novell. 30. c. fin. in pr. N. 82. in prefat. ibi: non existimamus. & c. 1. §. 1.  
 ead. l. 2. §. post. orig. ff. d. jur. Orig. Ordinarios tamen Iudices hic excusan-  
 dos statuit Coras. 5. Miscell. c. 19. Non vero delegatos quorum mentio fit in l.  
 proferendum. 13. in fin. §. 1. C. d. judicys. Qui & Assessores dicuntur. tit. 107.  
 ff. d. off. assess. Quos juris peritiam habere oportet, ut non saltem aliunde, seu à 107is  
 Consilium expetere jurisq; honestatem emendicare, quod reipub. maximum est  
 vitium. Nov. 82. in fin. prefat. sed per se sine aliorum adminiculo reipub. ge-  
 vere possint, ut Eleganter inquit Alexander Imperator. teste Lamprid. in sev.  
 Duo igitur in Iudice de necessitate requiri secund. Bronch. Cent. 1.  
 ff. 64. 1. Ut negotij peritiam habeat. 2. Ut pro legis scientia  
 causam dirimat, alias contra l. judicans litem suam facit & ex ea tenetur  
 si vel dolo faciat l. 15. ff. d. judicys. l. 40. §. 1. ff. eod. vel imperitia. l. fin. ff. d.  
 Var. & extraord. cognit. l. 2. ff. quod quisq; jur. in alt. statuerit. DD. Ioach. &  
 March. Stephani. f. f. hic Cent. 4. q. 81. ille. lib. 1. d. Jurisd. jud. c. 5. in pr.  
 Quod si de facto imperitus constituitur, peritos adsefiores habere vel consulere  
 teneatur. M. Steph. d. loc. Robert. 3. sent. 3.

V.

**Chirographi redditio debiti remissionem inducit  
 non verò pignoris restitutio.**

l. qui Chirographum. 59 ff. d. legat. 3. l. labeo. 2. ff. d. pact. l. servum. 44.  
 §. 5. ff. d. legat. 1. l. hujusmodi. 48 §. 7. eod. l. crediti. em 7. C. d. remiss.  
 pign. l. 1. C. d. donat. Cum igitur Creditor Crediti instrumentum seu Cautio-  
 nem debitori tradat, debitum petendi viam sibi ipsi præcludit. Bald. in l. un §.  
 ille eia n. 4. C. d. latin. lib. toll. quia jus ipsius Creditoris in Chirographo Con-  
 sistit d. l. 59. ff. d. legat. 3. quo reddito seu amisso, jus quoq; repetendi debitum  
 reddidi se vel amisisse putat Hunnius d. pact. c. 2. q. 14. Consultius tamen faciet  
 debitor, si ob casum quendam, præter redditum Chirographum etiam soluti pecu-  
 nie apocham recipiat. l. 14. & 15. C. d. solutionib.

Pignoris verò diversa assignatur ratio à Gloss. antiq. in l. post-  
 quam. 3. ff. d. pact. quod pignoris usus varius sit, præsertim scholarib. Chiro-  
 graphi restitutio v. nihil nisi solutionis præstitæ Conjecturam inducit arg. l. 12.  
 C. d. pro-



C. d. probat. Cujac. n. ut & Ant. Fab. in Chirographo præcipuam continentem obligationem dicunt, quo reddito & illud quod quod continet remissum sensetur, Aliud vero in pignore, quod accessorium præsentem obligationem fidejussoris instar, qui licet sit liberatus, obligatio nihilominus facta & recta remanet.

## VI.

Patriæ potestati, æquæ divino ac nunc jure Civili quoque vis interimendi liberos non verò Corrigendi, aut objuratas causas exheredandi, est adempta:

Deuter. 21. v. 18. Proverb. 19. v. 18. Ephes. 6. v. 4. l. unic. C. d. emend. propinq. l. un. C. d. bis qui par. vel lib. l. si filius 3. C. d. patr. potest. Nov. 115. 6. 3. Nemo n. sibi met ipsi vindictam vendicare potest. l. jurisdictioni. 10. ff. d. jurisdic. l. 137. ff. d. Reg. 1. Neg. potestas patria in atrocitate sed in pietate consistere debet. l. divus. 5. ff. ad l. Pomp. d. parricid. Secus in filia adulterium committente, quam Pater sui juris simul cum adultero in continentem interimere potest. l. patri. 20. l. 21. & 22. item l. 23. §. quare 2. ff. ad l. jul. d. adult. & l. 24. ff. eod. quod videm marito in adulterum non denegatur d. l. 24. in pr. & sic. ff. eod. Hoc tamen firmiter in foro conscientie statuere valde periculosum existimatur & inter hæc. 6. & c. admonere. & in verb. occidere tamen eam nullatenus debuisse caus. 133. q. 2.

## VII.

Parentes nullo alienationis titulo liberos suos in alterius servitutem transferre possunt:

l. liberos. 1. C. d. patrib. qui lib. suos distr. Quia nullum cum ijs intercedit commercium. l. sed celsus. 6. ff. d. contrah. empt. l. ult. ff. quæ res pign. l. abdicatio. 6. C. d. patris potest. l. minor. 39. §. pater. 3. ff. d. evictionib. Nisi fame ac necessitate extrema compulsi, l. si quis. 2. C. d. patr. qui fil. suos distrax. liberos suos vendiderint, qui invito etiam emptore, pretio oblato, liberari possunt. d. l. ult. C. d. patr. qui fil. Idem etiam in filijs, qui publicæ utilitatis causa ut obsides oppugnorati, statuendum. arg. c. ex rescripto. 9. X. d. iurejur. and. l. sed & quod 9. §. 1. ff. d. pignor. & hypothec. Cujac. 16. Obs. 29. in f. Nansen. in tract. Inst. ad tit. d. patr. potest.

Sumptus.



### III X.

Sumptus, quos pater studiorum gratiâ filio suppeditavit, in computationem cum reliquis non venire, rationes evincunt.

l. 50. ff. famil. ercisc. l. 4. C. eod. & l. 1. C. d. castr. pecul. l. 14. C. d. ad vocat. divers. jud. nam parens, qui filium optimarum artium studijs instructum, Magisterij decore ornatum, Doctorali gradu insignitum expetit, mediis quibus ejusmodi sinem comparare possit, concedere non dedignabitur. l. 1. §. 16. ff. d. Collat. bonorum. Quia non saltem alimenta, sed & reliqua liberis (pecunia non habentibus) necessaria prestare tenetur. l. 5. §. 12. ff. d. agnos. & alend. lib. l. 43. & 44. ff. d. V. S. l. 4. ff. ubi pupillus educ. l. 6. §. 5. ff. d. Carbon. e. dict. Nisi filius de octoru instar, sumptus flagitiose consumpserit. Schneid. ad §. alie, n. 75. Inst. d. donationibus l. 1. §. confertur. 23. ff. d. collatione. Et pater credendi animo sumptus tales subministrasse fuerit comprobatus. l. qua pater. 50. ff. famil. ercisc. quod etiam patet si bona filij habuerit. l. 58. ff. d. hereditat. per. ibid. Gorbofr. lit. d. l. Nesevnius. 34. ibi. at in proposito. ff. d. negot. gestis. VVesemb. in Parat. ff. de Collat. dotis. n. 3. Dn. Matth. Steph. Præcept. honor. illustrium quæst. vol. 1. part. 4. disp. 1. ch. 54. Thoming. decis. 32. n. 7. Hartm. Pistor. quæst. 19.

### III X.

Æs quoq; alienum, vivò patre, à studioso contractum ex communi hereditate solvi debet.

arg. l. & si filium. 15. ff. d. munerib. & honorib. l. macedoniani 5. C. ad Senatus. Cons. Maced. l. item si filius. 7. §. quod dicitur in eo. 13. ff. eod. l. 1. §. 16. ff. d. collationib. Quia studium volente patre inceptum & continuandum, patrem quoq; defunctum obligatum tenet, cum adhuc defuncti voluntas durare videatur arg. l. heres socij. 40. ff. pro socio. item l. 21. §. 2. ff. d. negot. gest. arg. l. 8. §. 4. ff. d. pign. act. Imò parentum interesse filios habere eruditos Inquit Syrach. 22. v. 3. Et sic in dubio ad sumptus continuandos se obligasse præsumitur si in eadem manserit voluntate, nec mutaverit sententiam, arg. d. l. 50. ff. fam. ercisc. l. quotiens 2. in pr. ff. ad. municipal. præsertim cum filius in bonis suis ad pensum studij absolvendum, portionem non habuerit sufficientem, nec in æris alieni acceptione probabilem modum exceßerit. d. l. 7. §. 13. ibi si probabilem. ff. ad SC. Maced. arg. l. 20. §. 6. ff. famil. erciscund. quam rationem summa dicitur æquitas ob majorem studiosorum favorem. Schneid. ad §. alie, num. 7.



num. 79. Inst. d. donationib. ibid. Gothofr. lit. e. Dn. Herm. Valt in disp. d. collat. bonorum. th. 27. & lib. 1. l. R. 31. n. 20. & seqq. Dn. Mash. Steph. Præc. Venerand. in disp. 2. vol. 1. part. 3. th. 6. in f.]

## X.

Virgo ob vulnus in facie acceptum, cicatricis & deformitatis nomine adversus vulnerantem, utili Aquiliæ actione experiri nequit.

Quamvis formæ venustas puellæ sæpe dotis loco sit, teste Afranio ap. Ar. nisc. tract. d. jur. Connub. c. 4. n. 18. & Apul. lib. 2. Apol. inquit: Formosa virgo & si sit oppidò pauper. abundè nihilominus est dotata, quam sens. Publius Syr. mutam virginis commendationem dicens approbat & plures, ob id, in affirmantem partem attrahit, cum perdit a formâ difficilium maritum inveniat. ut Gometz. 3. var. fol. 6. n. 12. ex Alber. de Rosat. in l. 3. si quadrup. paup. arg. Oldendorp. 6. Class. 12. pr. Verum cum aestimationi liberum corpus non subiacet l. 3. ff. si quadrup. paup. sec. l. fin. ff. de hi qui effud. Nec cicatricis aut deformitatis sit aestimatio d. l. ult. Facinorosi tamen atrocitas injuriæ aestimationem adauget. §. atrox. 9. Inst. d. injur. l. 34. pr. ff. d. oblig. & act. l. 7. §. 1. ff. d. injur. & famos. libell. & sic l. Aquiliæ actione ratione damni & expensarum s. ut Germ. hinderen vnd schaden, vocant. Injuriarum verò actione ratione ipsius injuriæ agi poterit l. 8. C. de injur. l. 15. §. 46. ff. eod. l. 5. §. 1. ff. ad l. Aquil. neq; alterâ electâ, alteram consumi, quia harum actionum cumlatio in Camer. Imperiali admittitur. Cont. l. 5. §. 1. ff. ad l. Aquil. teste Mynsing. 1. Obser. 25.

## XI.

Spurij neq; facti neq; Juris infamiâ laborant.

Quia naturâ omnes sumus æquales. l. 32. ff. d. R. I. l. 4. ff. d. l. & l. hujus in respectu nihil differunt à legitimis. N. 89. c. 1. verb. natura siquidem. Imprius cum propriâ condecorentur virtute, non est ut erubescant de parentum suorum opprobrijs. Christof. c. nunquam. 4. Distinct. 56. nam crimen paternum hic nullam maculam filio insigere potest l. 26. ff. d. pœnis. sed pœnæ suos debent tenere autores. l. 74. ff. d. R. I. l. 14. in f. pr. C. d. legis. hered. c. sari peruersum. 7. c. sponsus ille C. Dist. 55. Illius infamiâ ob factum proprium irrogari. constat. arg. l. 5. §. 1. ff. d. extraord. Cognit. Vult. l. R. c. 26. n. 5. l. 26. ff. d. pœn. cum ex illicito coitu nasci, non nascentis sed generantis culpa dicatur. c. na-

B

sci. 5.



*Sci. f. Dist. 26. Itaq; hū neg; portæ dignitatum occluduntur. l. spurij. 6. pr. ff. d. decur. iudic. cap. 11. in pr. lephthab. Et. neg; infamia, quæ pœna dicitur. arg. cor. tit. ff. d. hū qui notant. infam. Et C. d. infam. illis sine culpa seu factō proprio inferri debet. c. satis peruersum. 7. Dist. 56. Et d. l. 6. in pr. ff. d. decurionib. l. 55. in f. ff. d. fideicom. libere. nisi spurios ut infantes crudeli pœnâ ab uncinabulis puniri velimus, contra iusticiæ ac iuris fundamenta. l. 33. §. legi auzem. C. d. inoff. test. arg. l. infans. ff. ad l. corn. d. sicar.*

*Quod autem in Doctoris vestigium nec evehi, nec assessoris vices in Camer. Imper. iuxc. text. ord. Cam. part. 1. tit. 3. Sustinere queat. test. Myns. 4. obs. 31. id consuetudini adscribimus modojus nostrum civile huic assertioni nihil deroget. Bocer. d. invest. feud. c. 3. n. 141. Bronchorst. cent. post. 1. assert. 22. Dn. Thom. Lind. Præcep. hon. in Exercit. Iust. Instit. Disp. 3. ad tit. d. inoff. test. thes. 106. Dn. Præc. Matth. Steph. volum. 1. part. 2. disput. 9. th. 12. d. inoff. test. in fin.*

## XII.

**Hæc prædicta efficiant, ut frater præteritus Institutum spurium ab hereditate, inofficiosi quærelâ, arcerenequeat.**

*Nam fratres sororasq; præteriti, tum demum querelari possunt; si turpiter heres institutus, seu Infamiae levig; notæ maculâ (propria scilicet) notatus fuerit; l. fratres. 27. C. d. inoff. test. quo factō, nullum adeo redditur testamentum, ut nec legata debeantur, quæ in spurio re & vita honesto cessare rationes supr. all. demonstrans. Bart. in l. fratres C. d. tit. Dn. Thom. Lindeman. Exercit. Iust. Inst. Disp. 3. ad tit. D. in officios. test. Thes. 9. Hartm. Pistor. lib. 1. quæst. jur. c. 30. Schneid. ad §. non a. liberis. n. 17. Inst. d. inoff. testam.*

## XIII.

**An hereditas, quam respuit filiusfamil. institutus heres, substituto excluso, ad patrem devolvatur, nec ne?**

*Quæstio cum sit admodum anceps. Et varijs disputationum spinis obnoxia, quorsum inclinem non video, cum utraq; pars æquæ auctoritate ac ratione non destituatur, Accamen Dd. quorundam subsidio & legum præsidio Affirmantium sectam sequar. l. fin. in pr. ibi: liberam habere. item §. 1. & 2. ejusd. l. C. d. bon. quæ lib. quia filius in præjudicium patris hereditatem respuere nequit.*

*l. 13.*



l. 13. §. fin. ff. d. acquirend. vel amittend. hered. sed patre fiat volente, cum a-  
nam constituant personam. l. ult. in f. C. d. impub. & alijs subst. ob mutuas  
relationis causam. Dn. Matth. Steph. In Dialect. jur. lib. 1. c. 13. n. 1. & 2. præ-  
sertim cum de rebus agitur acquirendi non enim perdendi. §. 4. in fin. Inst. d.  
inutil. stipul. quod etiam d. l. fin. C. d. impub. & al. sub. per voculam: penè,  
demonstrat. Nam pater quoq; instituto filio, ex tacita testatoris voluntate  
institutus præsumitur, nisi testator expressè contrarium velit. Aret. Aug. Ias. in  
l. 1. ff. d. vulg. & pup. sub. Christoph. Sturk. in Disp. d. subst. th. 16. & 17.  
Dn. Thom. Lindem. Exercit. Inst. Inst. Disp. 3. ad tit. d. vulg. subst. th. 4. in f.  
An vero filio defuncto patri illud accidat, dissertatio exhibebit.

Monasterium autem repudianti Monachi substitutum, ut parens, ex-  
cludere nequit, licet quoad subjectionem parentis loco censeatur monasterium,  
non verò quoad acquisitionem, cujus respectu, seruo simillimus reputatur mo-  
nachus, seruo igitur volente adire hereditatem, substitutus non dominus ad-  
mittitur. l. 3. in fin. C. d. hered. instit. Helfr. Hunn. var. resol. jur. lib. 2.  
tr. 6. q. 6.

#### XIV.

Repræsentationis jus, quoad descendentes, in infinitum locum habet, Collateralium verò repræsentatio ul-  
tra fratrum sororumq; filios filiasq; non extenditur, in a-  
scendentibus verò illa prorsus expirat.

§. cum filius 6. Inst. d. hered. quæ ab intest. defert. & §. item vetu-  
stas. 15. in f. Inst. eod. Novell. 118. c. 1. in verb. alias descendentes.  
Nec hic in gradu proximior excludit remotiorem. d. §. 6. Instit. d. hered. quæ  
ab int. quin Imperator d. N. 118. c. 1. in tali casu gradum queri prohibet, cum  
nepotes ex personâ parentis, non suâ, ad successionem avi vocentur. d. §. 6.  
Inst. d. hered. quæ. ab int. Myns. ibid. n. 5. & quia descendentiâ successio sit  
magis juris naturæ, l. 7. ff. d. bon. damnar. etiamsi sint remotiores. §. 1. & seqq.  
Instit. d. grad. cognat. sanguinem nihilominus traxerunt ab ascendentiâ. Schneid.  
d. prim. ord. succed. n. 22. item terr. ord. n. 12. in Instit. d. her. quæ ab intest.  
Quod in collateralibus dici non potest, dum neuter suum ab altero trahat sangui-  
nem, hinc igitur successio illorum magis à civili jure introducta censetur, Myn-  
sing. ad d. §. 6. Inst. d. hered. quæ ab int. n. 9. in fin. & ob id ex nova Con-  
stit. ad fratris nepotes repræsentatio non descendit. Nov. 118. c. 3. ibi. si autem.



& ibi: quandoquidem igitur: & vers. huiusmodi privilegium. item Anel's.  
cessante. item. Post fratres autem C. d. legit. hered. Jure verò Saxon.  
ne filij fratris ad patrum admittuntur successionem honorum allodialium. per reg.  
art. 3. lib. 1. & diff. saxon. 15. & Const. 18. in fin. part. 3. item per art. 17. lib. 1.  
ibi: wann sich ein Erb. item ja neher dem Stief. / ja neher dem Erb. item  
post Weichbild. tit. Brüder oder Schwester / &c. wie die Erb. Nehmen.  
quod Duces Sax. protestando cont. constit. Carol. 5. Anno 1521. in Convent.  
Norimb. asservarunt d. constit. 18. part. 3. Non honorum feudalium. c. 32.  
in Lehnsrecht. Ascendentium ordo verò, representationis jus nunquam  
presupponit, ob. Nov. 18. c. 2. quis proximus illorum remotiorem. excludit.  
Aurb. defuncto. C. ad. SC. Tertul. Vvesenb. in Parat. ff. d. grad. num. 15. quod  
in representatione non admittitur. §. 6. Inst. d. hered. que ab intest. Neq. in  
ter descend. & ascend. eadem correlativorum ratio militat, iccirco diversum  
jus in illi figurari statuit Hannius in resol. var. quest. Instit. tract. 1. q. 32. cum  
etiam hereditas naturali ratione & communi voto parentum liberis, horum  
verò commiserationis ergo parentibus ob disturbatum naturam ordinem defera-  
tur. l. 7. ff. d. bon. damnat. l. 15. ff. d. inoff. test. l. 7. §. 1. ff. si tab. testam.  
nulla extab.

## XV.

Hic prælibatis inquieta sese offert altercatio. Ill-  
trum duorum fratrum, vel sororum ἀμφιτελῶν liberi cum  
cum patruo vel avunculo, vel utrum soli Concurrentes  
succedant in Capita vel stirpes?

Rixam hanc ubiq. locorum graviter agitatam, si hac divisione companda-  
mus, non inconsultum fore existimamus: 1. Patruo extante, fratru filij, jura  
representationis non ampliorem accipiant portionem quam si vivus parens fuisset  
accepturus, arg. §. 6. verb. equum enim. & ibi. quis. Inst. d. hered. que  
ab intest. def. Nov. 18. c. 3. vers. si a defuncto. Gothofr. ibid. Aurben. Cessan-  
re. C. d. legit. hered. alias hoc novissimo representationis privilegio destituti  
de patrum successione prorsus desperarent. §. 5. Inst. d. legit. agn. success. l. 3. C.  
d. legit. hered. l. 14. ibi sancimus. C. eod. item §. 1. verb. Ubi frater & soror  
superstes non sunt. d. l. 14. C. d. legit. hered.

a. Soli







*noq; propter admissum delictum plecti potest. l. 5. §. 2. ff. ad l. acquil. l. 12 ff. ad l. Cornel. d. sicar. l. 14. ff. d. off. presid. l. 13. §. 1. cod. Qui vero intermissum furoris vitium sustinet. §. 1. Inst. quib. non est permiss. fac. test. l. 20. §. 4. ff. qui test. fac. pos. l. 7. C. cod. l. 14. ibi. si vero ff. d. off. pres. Quocumq; modo, illis intervallis, contrahere. l. 2. C. d. Contrah. empe. Et iudicare. l. 39. §. 46. l. 12. §. 2. ff. d. iudicijs. Item testari l. 9. verb. si vero. C. qui test. fac. §. 1. Inst. quibus non est permis. fac. Et. attestari recte potest. l. 20. §. 4. ff. qui test. fac. l. Divus Marcius. 14. in verb. si vero. ff. d. off. presid. quia reipub. interesse dicatur ne delicta maneant impunita. l. 51. §. 2. ff. ad l. acquil.*

## XVII.

**Qua ratione planè ebrium à pactionibus arcemus,  
 quia aliquatenus furioso est simillimus.**

*Nam apud Chrysep. Parva dicitur Insania Ebrietas. Pythag. Insanie meditationem dicit. Plutarch. furoris speciem appellat. Seneca & Origen. Voluntariam insaniam omniumq; vitiorum originem existimant, quã quò se- pulcus, mentis inducit exilium. Caus. 15. can. 8. q. 2. c. à crapula. 14. Extra. d. vita & honest. cler. & sic amens Conventions devitare debet, quæ men- tem presentem postulant. l. 1. ff. d. pact. Helfr. Hun. d. pact. c. 3. q. 11. Treutlerum tamen in disp. d. pact. thes. 5. lit. a. & Andr. Gail. 2. observ. 110. numer. 23. & obs. 118. Inter Ebrium & Ebriosum distinguendo sequamur. Qui huius vitium non excusant, sed si quod grande nefas commiserint, illudq; morte piandum acriter statuant. item Brouchorst. Cent. 4. ass. 83. Cum in Ebrioso dolus presumatur, qui rei illicitæ lubens & libens infervere solet. l. 203. ff. d. R. l. Idcirco sui. ipsius vitij panam pendere non iniquam fore. l. 15. ff. si quis omis. caus. test. Cum duplici pena illum affici debere Pittacus existimasset, quod delictum delicto cumularet. Arist. in Polit. Quem etiam sacra dereferatur Pagina ad Ephes. 5. v. 18. ad Galat. 5. vers. 19. ut idem de- monstrat Augustin. lib. d. penit. Ebriosus confundit naturam, amittit gra- tiam, perdit gloriam & incurrit damnationem æternam. Hinc non imme- rito Carol. V. Imp. statuit, ne ebrietatis preteritu homicidia maneant impu- nita. Qui vero tacitâ vini effusâ arreptus, casu, clam & ignoranter, ut sepe*



ut saepe fit, ad mentū uq̄ alienationem inebriatus penam ordinariam non  
sustinet. l. 6. §. 8. verb. per vinum. ff. d. re milit. sed si sobrius resipiscet, miris-  
simam ex aequitate normā patiatur, l. 48. ff. d. R. l. Caus. 11. q. 3. c. 69. nam  
quoties in delicto minor est dolus, toties pena quoq̄ minor esse debet, Vvesemb.  
in Parat. ff. ad l. Cornel. d. sicar. numer. 26. qui ex hac causa penam le-  
niri meminit, ob comm. Dd. decif. Gail. 2. Obs. 110. n. 24. & seq.

## XIIX.

Parentum Consensus ad nuptias liberorum stabili-  
endas omni jure requiritur.

1. Jure divino, quia 4. decalogi præceptum, utrumq̄ honorare parentem  
liberis præcipit. Deuteron. 5. v. 16. & c. 7. v. 3. Num. 30. v. 6. Proverb. 1. v. 8.  
& c. 6. v. 20. Genes. 24. & 28. v. 2. Exod. 21. v. 9. c. 22. v. 16. Jerem. 29. v. 6.  
1. ad Corinth. 7. v. 36. ad Ephes. 6. v. 1. ad Coloss. 3. v. 20. Judic. 14. v. 3. &  
10. c. 21. v. 7. Tobia. 6. v. 13. Henning Arnise. in comm. d. jur. connub. c. 3.  
n. 10. Dn. Ernesti. Cötm. Respons. 1. n. 3. & seqq.

2. Jure humano: ut in pr. Inst. d. nupt. v. nam hoc fieri naturalis ratio  
suadet, & Iustiniano dicitur antiqua consuetudo, l. un. in f. §. 1. C. d. rapt. l. 2.  
d. l. & luv. l. 1. & 2. ff. d. obseq. parent. præst. l. 3. C. d. in jus vocand. Gellius  
lib. 2. c. 7. Et imprimis gentes hanc parentum observantiam sanctè confir-  
marunt, ut patet Hermionis puellæ responsum ad Orestem: Sponsaliorum  
curam parens meus ipsemet sustinebit, dijudicare enim hoc meum non est.  
Apud Euripid. in Andromacha Poly. l. 6. t. 4. qui citatur ab Ambros. in Can.  
donorantur. 13. caus. 32. q. 2. Ut & Cyrus Xenophont. lib. 8. Cyroped. Cy-  
rari filiam cum consensu parentum in matrimonium collocari cupit. Idem  
apud Plaut. in Aulular. act. 1. scen. 4. & Homer. lib. 9. Iliad. d. Achille.  
Nec non Pamphilus ob neglectum patris consensum acriter verbis depexus. a-  
pud Tereus. in Andria. act. 1. sc. 3. hinc Sicheus Hemorü filius & laudatur Ge-  
mes. c. 34. v. 4. & vituperatur. v. 2.

3. Jure verò Canonico parentis consensum requiri æquè ne-  
cessitas, ac honestas statuit, utcumq̄ Glossatores & Papiculae communi  
dissentiant voto, qui ap. Ioan. Hartrech: in comm. Inst. d. nuptijs. in pr. n. 55.  
quibus



quibus Pontifex Evaristus ipsemet contradicit. c. aliter. 1. caus. 30. q. 5. Cuius  
 decretum tanto firmiter quamò antiquius, editum teste Chemnitio 2. pars. Exam.  
 Decret. Concil. Trident. tit. d. Clandest. matr. fol. 269. circa annum Christi  
 100. Cui congruunt P. P. Leo. in Cav. non omnis 12. caus. 32. q. 2. & c. nestrat-  
 ces. 3. caus. 30. q. 5. ubi Nicolaus Papa satis superq; ostendit, fœdera matrimo-  
 nialia parentum consensu corroborari, quod arctius confirmat Ambrosius d.  
 caus. 32. q. 2 in c. honorantur. Hiscæ all. cc. recentiores quoq; Canones sat confor-  
 mes Correspondent, ut c. 1. X d. desponsat. impub. c. 5. in f. X qui matr.  
 accus. poss. Nec alicujus ponderis Bellarmini iudicium censemus. quo tom. 3. con-  
 erov. general. 5. lib. 1. d. matrim. sacram. c. 20. contra dd. decreta subtiliori  
 cerebelli sui acamine, nec non Concilij Tridentini Autoritate (sessio. 24.) ma-  
 erimonia invitis parentibus contracta facta & tecta esse facilliter affirmatur,  
 sed nec ipsius nec Synodi Trid. censura tantam meretur efficaciam, ut contra  
 decretum cœlestè possit operari. Esaiæ. 8. vers. 20. Actor. 15. vers. 15. & 28.  
 & Dd. Theol. Luther. in lib. d. Conjug. Melanch. in loc. com. tit. d. Conjug.  
 Heerbrand. in comp. theol. loc. d. Conjug. Hemming. in lib. d. conjug. c. d. caus.  
 repud. v. si consensus nõ fuit iustus & seqq. Chemn. loc. d. conjug. Et I Cui affirmans  
 Ev. Bronchorst. cent. 3. év. v. assert. 1. Henning. Arnise. in tract. polit. d.  
 jur. connub. c. 3. sect. 10. num. 13. Philip. Hen. Henonius in quest. jur. illustr.  
 Dissp. 2. thes. 6. part. 4. Du. Vultej. Brederod. Heig. VVolfius. & Borcholt. in  
 princ. Inst. d. nupt. Dn. pr. Thom. Lindeman. in Exercit. Inst. Iustin. Dissp. 1.  
 ad tit. d. nupt. rb. 3. Adrian. Pulvæus. tract. d. nupt. sin. parent. Consens. nov  
 Contrab. lib. 1. n. 43.

Et tandem etiam Jure Civili, in proœm. Inst. d. nupt. l. 2. §. 18. &  
 85. ff. d. ritu nupt. l. 12. item l. 1. 7. & 20. C. d. nupt. l. un. §. oport. C. d.  
 rapt. virg. l. fin. in verb. sed sicut. C. d. repud. l. 4. C. cod. Novell. 22. c. 19. in  
 med. Ne igitur invito patri heres obtrudatur. §. sed si. 7. Inst. d. adopt. & pa-  
 triæ potestatis nexus solvatur. Inst. d. patria potest. Nam quod quilibet filius  
 sibi à suæ fieri nolit, id nec patri suo faciat. Matth. 7. v. 12. l. 1. ff. quod quisq;  
 juris in alt. stat. Cum Parentes liberis suis semper tam Consilio quam auxilio  
 præesse præsumantur. l. 22. §. 4. ff. ad l. jul. d. adult. ideo reverenter à liberis  
 habendi, ut omnia ab ipsorum voluntate promanare velint. l. 28. C. d. inoff.  
 test. l. 2. ff. d. iust. & Iur. l. 6. ff. d. in jus vocand. Hinc assertioni ad stipulari,  
 nemo, nisi juris Iustinianei ignarus, dedignabitur.

Causas



Causas distrahendi matrimonium quoad vinculum, præter mortem naturalem, (Paul. 1. Cor. 7. vers. 39. & Rom. 7. vers. 2. Novell. 22. c. deinceps. 20.) & adulterium, (Matth. 6. 5. v. 32. & c. 19. v. 9. Rom. 7. vers. 3.) Plures esse non illegitimas, nemo, nisi æquitati manifestæ contrariari velit, inficiabitur, ut sunt:

1. Desertio malitiosa. 1. Cor. 7. vers. 15. Novell. 22. c. 14. Et si de connubio dispari Apostolum loqui, possit obijci, nihilominus tamen desertor maritaliosus, quisquis sit, infidelis instar, qui non tam verbis quam factû fidem frangit, deprecatur, ad Tit. 1. vers. 16. 1. ad Timoth. 5. vers. 8. Phil. Melanch. in tract. d. Coniug. Borch. d. gradib. c. quomod. solut. marr. fol. 127. Dr. Paulus Tarnou, Pr. hon. in tract. de Coniug. lib. 3. c. 35. q. 2. aded ut parri desertie, citationibus frustra factû, & expectandi spatium & nubendi potestatem iudex concedere possit. Schneid. d. nupt. part. 4. num. 46. Gædd. d. V. S. in l. 101. §. 1. num. 1.

2. Virginis defloratio; cum scilicet maritus ignorans à Coniuge sua ante nuptias, ab alio impregnata non saltem divertere verum etiam aliam in matrimonium ducere possit. Deut. 22. vers. 20. Matth. 1. v. 19. l. exemplo. 12. vers. si quis virg. ff. d. actio. emp. Novell. Leon. 93. Schneid. part. 4. d. nupt. num. 61. Licet virgo in persona non differat à muliere, essentiali tamen virginitatis qualitate quoad consensum conjugalem maxime differt, quia si nosset vitiatam sponsus, non duxisset. Henn. Arnise. d. jur. connub. c. 2. sect. 3. num. 10. cum stuprata non saltem dicatur infamû, sed simul eam ducens. ibid. num. 11. Coniugium v. omni careat labe, inquit Apost. ad Hebræ. c. 13. vers. 4. Hinc fatuum dicit Chrysostomus in cap. 9. Matth. Qui retinet meretricem, & juxta Vulg. Ductorem impregnata (pura illicite) esse proditorem patriæ, arguit Germania. Schneid. d. nupt. part. 3. num. 61. Consult. Saxon. lib. 1. p. 1. in qq. matr. q. 8. part. 2. Coler. decis. 4. Germ. Kornman. de Virg. c. 25. Melanth. in loc. d. Coniug. Lutherus in lib. ven. Ehesachen.

3. Impotentia generandi naturalis & accidentalis perpetua, ita tamen, ut si illa ante initum Coniugium contigerit ignorant, c. 1. in fin.



Extr. d. frigid. & malef. D. Philip. in loc. d. Conjug. in quest. d. nat. spad.  
vid. caus. 33. q. 1. Hostiens. in sum. d. frigid. & malef. Henning. Arnise. c. 6.  
d. steril. & impot. n. 26.

Licet assertioni huic. diametraliter opponatur. dictum Matth. 19. vers. 6.  
Quos Deus conjunxit, &c. Isidori tamen solutionem. tuitionū. gratia amplecti-  
mur, ut: Quos Deus conjunxit. homo non separet: quæris, quomodo? Sub-  
audi violenter, sine lege absq. ratione non separet, non enim homo separet,  
quos poena. Condemnat, quos reatus accusat, quos maleficium coarctat. caus. 33.  
q. 2. c. quos Deus. 18.

## COROLLARIA.

I.

An varium ac mutabile famina? cum sit quæstio admo-  
dum insidiosa, nec non odiosa, cautè velitationi commenda-  
mus.

II.

Famellæ licet quadantenus sint mutabiles, homines nihi-  
lominus propriè dicuntur, nec magni ponderis æstimanda quo-  
rundam lententia. circa. I. si quis. 38. §. qui abortionis ff. d.  
pœnis.

III.

Repressaliæ an sint licitæ? Neg.

IV.

Ob dotem non solutam num. mulier expelli possit? Neg.

V.

Monomachia an sit licita? Neg.

¶ (o) ¶

E T



*ET VIRTUTUM ET LITERARUM*  
*nobilitate Præstantissimo,*  
**DN. RESPONDENTI,**

**T**u quæ nigranti circumdans lumina peplo  
Libratam justo monstras examine Lancem;  
Ante pedes cujus sceptrumq; & acuta bipennis,  
Dissimilis non æqua jacent insignia famæ,  
Diva Themis, tua nunc intrat delubra, Sacerdos,  
Astrææ quondam sacrâ sistendus in æde:  
Tu modò, qui dexter sequitur vestigia, honori  
Trade virum: meritâq; olim cum laude canendum  
Efficito niveis hunc Gloria subvehat alis.

*Benevolentie causâ labens f.*

**JOAN. LAVREMBERGIUS,**  
*Phil. & Med. D. Poes. Prof. Acad.*  
*Rost. p. 1. Rector.*

*Eidem Dn. Respond.*

**D**um dubios juris FRIDERICE resolvere nodos  
Et doctas tentas audire & reddere voces,  
Præmia Doctorum necit tibi Musa corollam.  
Tu ceu capisti modò pergito, tempora lauru  
Docta Themis cinget, summum & concedet honorem.

*Congrat. f.*

**JOHANNES QUISTORPIUS**  
*Th. D. Professor & Eccle-*  
*siastes.*

**EPI-**



MUNN RETI  
EPIGRAMMA.  
AD PRÆSTANTISSIMUM

Dn. Respondentem,

**A**urea pera, caput chalybatum, & plumbens anus,  
Arma sacra Themidis sunt tria, vulgus ait:  
Et benè. Tyro libros parat ere: & acumine mentis  
Hos rimatur: ad hos plumbens inq. sedet.  
Quisquis & instructus mediocriter hisce, Themisti  
Militat: hic titulos quarit, opesq. sibi.  
Quisquis at hisce carens, sinuosa volumina Juris  
Traçtat: nec titulos, nec sibi quarit opes.  
His tribus armatus gaudes FRIDERICE, diurnus  
Evalvens Gemini corpora bina fori.  
Hinc Themidis sacra quondam potière Corollâ,  
Et Genij factus, Ingenijq. feres.

JOHANNES POSSELIUS  
Græcæ linguæ Rostochianâ in  
Academiâ P. P. F.













ET VIRTUTUM  
nobilitate P  
DN. RESP

Tu quæ nigranti circum  
Libratam justo moniti  
Ante pedes cujus sceptrum  
Dissimilis non æqua jacent  
Diva Themis, tua nunc int  
Astræ quondam sacrâ sis  
Tu modò, qui dexter sequi  
Trade virum: meritâq; oli  
Efficit niveis hunc Gloria  
Benevolenti

Jo

Eidem I  
Dum dubios juris FRI  
Et doctas tentas audire  
Præmia Doctorum nec ita  
Tu ceu capisti modò pergito  
Docta Themis cinget, sum

J

TERARUM  
no,  
ENTI;

peplo  
Lancem;  
bipennis,  
næ,  
Sacerdos,  
e:  
honor  
canendum  
is.  
f.

REMBERGIVS,  
Med. D. Poes. Prof. Acad.  
Rost. p. s. Rector.

vere nodos  
voces,  
llam.  
uru  
redet honorem.  
Congrat. f.

QUISTORPIUS  
Professor & Eccle-  
siastes.  
EPI-

